


通園叢書

張宗祥



通國書畫

張大千



唐大詔令集卷第一

宋 宋敏求編

帝王

卽位冊文

太宗卽位冊文

肅宗卽位冊文

德宗卽位冊文

順宗卽位冊文

憲宗卽位冊文

穆宗卽位冊文

敬宗卽位冊文

文宗卽位冊文

宣宗卽位冊文

懿宗卽位冊文

哀宗卽位冊文

太宗卽位冊文

維武德九年歲次丙戌八月丙辰朔九日甲子

云云

夫天生

蒸人樹以司牧三靈輔德百姓與能粵自夏殷傳業胤祚軌
物長世罔不由茲朕膺靈命肇開寶歷聲教所覃無思不臧
然而萬機填委九區輻湊明發不寐極夜觀書聽政勞神經
謀損慮深思閑曠釋茲重負咨爾聰明神武德實天生人君
之量爰備夙成王業初基雲雷伊始英謀獨斷祕策潛申及

拓定關隴澄清河雒北通玄塞東靜青工宏圖遐舉元功克
茂氛霧廓清鯨鯢斯盡澤霑方外聲暢無垠總統機衡百工
以乂誕敷弘德四門允穆謳歌所屬宇宙宅心象緯告徵靈
命斯在朕是用上稽蒼昊俯順黔黎推而弗居永垂顯號今
傳皇帝位於爾躬命司空魏國公寂尙書左僕射宋國公瑀
齎璽綬爾其纂承洪緒對揚休命式隆寶祚以康四海

肅宗卽位冊文

維天寶十五載歲次庚申七月壬午朔十二日甲子皇帝若
曰咨爾元子某惟天爲大惟人君則之順乃德故舜禹揖讓
而履皇極咈乃道故丹朱商均不能保鴻業是以啟有惠迪
而夏嗣焉隋有亂紀而唐受焉五聖之御極皆勤儉兢業日

唐大詩全集卷一
甚一日故能享祚長久垂慶無窮洎予大業恭位四紀厭於
勤倦緬纂汾陽當保靜怡神思我烈祖玄元之道是用命爾
元子某當位嗣統於戲爾有忠孝之誠極於君父爾有友愛
之意信於兄弟爾有仁恕之行通於神明爾有戡難之才彰
於兆庶予懋乃懿績嘉乃神武天之歷數在爾躬汝惟推誠
禍亂將冀爾而能清汝惟從諫社稷將冀爾而復寧佞言爲
疵直言爲師任賢勿貳去邪勿疑民非后何戴后非賢罔與
守邦欽哉慎乃有位無忝我祖宗之不烈

德宗卽位冊文

維大歷十四年歲次己未五月辛丑朔二十三日癸亥皇帝
若曰於戲昊天有命皇王受之立嫡以賢春秋之義傳之於

子漢氏成規宗廟社稷實賴其慶咨爾皇太子适稟天地之
仁含日月之耀道光三善孝著十倫頃者國步多艱委以戎
律理軍靖難保大定功克復帝圖廓清妖孽旣表建侯之業
俾承守器之重仁孝之德夙夜惟寅朕天命有終弗興弗寤
非至公無以主天下非至德無以臨四海是用命汝陟於元
后嗣守皇業上繼宗祧下安羣望其令門下侍郎同中書門
下平章事常袞奉冊卽皇帝位於戲宜遵太宗之法度肅宗
之儉約任賢勿貳去邪勿疑與眾守邦祇敬予訓

順宗卽位冊文

維貞元二十一年歲次乙酉正月辛未朔二十三日癸巳皇
帝若曰於戲天下之大實惟重器祖宗之業允屬元良咨爾

皇太子誦睿哲溫恭寬仁慈惠文武之道稟自生知孝友之誠發於天性自膺上嗣毓德春闈恪慎於厥躬祇勤於大訓必能誕敷至化安勸庶邦朕寢疾彌留弗興弗寤是用命爾繼統俾紹前列宜陟元后永綏兆人宜命中書侍郎同中書門下平章事高郢奉冊卽皇帝位爾惟奉若天道以康四海楫建皇極以熙庶工無忝我高祖太宗之休烈

憲宗卽位冊文

維永貞元年歲次乙酉八月丁酉朔九日乙巳太上皇若曰咨爾皇太子純惟皇上帝降休於我家用集大命克綏厥猷惟后祇率大典茲惟艱哉朕承累聖休德膺守邦之重不蒙天祐降疾在躬上不能昭事郊丘祇見烈祖下不能臨視庶

政保綏兆人是用命爾當位嗣統宜陟元后代予憂勤今遣使檢校司徒平章事杜佑副使門下侍郎平章事杜黃裳持節冊命於戲爾有光大之德敷於萬邦爾有仁孝之誠刑於九族慈和寬簡克饗天心玄符不可以固違明命不可以不畏爾惟察納忠直子惠困窮咨於正言慎乃儉德臨庶官以敬哀庶獄以情允執其中無忝我祖宗之不訓

穆宗卽位冊文

維元和十五年歲次庚子閏正月甲辰朔三日庚午皇帝若曰於戲上天降鑒保佑於我國家十聖丕承光宅四海鴻休大業以逮予一人嚴恭祇畏懼弗克荷賴宗社垂慶生靈乂安今朕寢疾彌留弗興弗寤神器所付屬之元良咨爾皇太

子恆孝友聰明溫文睿哲自主七鬯日新厥德必能續敘朕志綏靖萬邦是用命爾陟於元后宜令中書門下侍郎平章事令狐楚奉冊卽皇帝位楸建皇極無忝我祖宗之休烈

敬宗卽位冊文

維長慶四年歲次甲辰正月辛亥朔二十六日景子皇帝若曰惟天輔唐德我祖宗克答天意邁德勤道紹休大業洎予一人嗣守四海祇事天地愛育萬類罔或怠惰於茲五年今寢疾彌留不興不寤獲以重器付之元良咨爾皇太子湛烈祖儲慶自天生德孝友慈惠溫良敬恭必能輯寧家邦輝光緒業是用命爾陟於元后宜令中書侍郎平章事牛僧孺奉冊卽皇帝位爾有廣厚之量可以奉天地爾有孝敬之志可

以事神祇和惠可以撫萬邦仁愛可以親九族任賢尚德遠
佞去邪爾惟欽承無忝我祖宗之休烈

文宗卽位冊文

維寶歷二年歲次景午十二月甲午朔十二日乙巳太皇太
后若曰大行皇帝睿哲英靈對天明命方夏底績夷蠻貢庭
罔有不端太康有截宜荷九廟之重永享億年之祿豈虞姦
妖竊發矯專神器蠱惑中外扇誘羣萌駭動神人覺深梟獍
咨爾江王某聰哲孕粹清明毓和智算機開玄謀電發躬率
義勇大清凶徒且膺當璧之符爰攄枕戈之憤旣殲巨害當
享豐福是用命爾陟於元后宜令司空平章事裴度奉冊卽
皇帝位永惟高祖太宗之剪定隋亂玄宗之寢漬利澤憲宗

之堅除蠹孽艱難險阻勛乃負荷小心以事上帝儉德以刑
家邦懋於令聞持久如始敬之休哉

宣宗卽位冊文

維會昌六年歲次丙寅三月壬寅朔二十六日丁卯皇帝若
曰惟玄穹降祚啟我唐運奕葉重暉赫曦纂承烈聖顧懷敷
佑冲昧獲承大寶君臨兆人懼不能任夙夜兢厲祇事九廟
於今七年實賴宗社之靈台袞之輔忠良畢力內外叶心北
翦山戎東殲孽豎不失傳付之業方期仁壽之寧屬頤護或
虧寒暑致恙禱神餌藥有加無瘳乃面親賢而委家國皇太
叔權句當軍國政事惟溫慈睿哲孝友端明蘊東平爲善之
心尙河間好學之志必能燾煦天下穆清大中於戲惟敬惟

和克敏克寬斥去奇邪親任仁人是用中陟元后宜令采官
奉冊卽皇帝位欽若天道緝熙帝圖懋哉戒哉無墮休命

懿宗卽位冊文

維大中十三年歲次乙卯八月甲申朔十三日丙申皇帝若
曰眷彼羣生必有司牧繼承丕構允屬元良故命嗣惟賢立
長則順夏禹惟公於聖子漢文終守其成規茲乃萬國攸同
百王不易之道也朕以菲薄獲奉宗祧十有四年未臻至理
惟天示譴降疾於躬藥石無功彌留斯迫歷數云在天命有
歸咨爾皇太子朕之元子幼有聖資孝敬溫文弘博慎敏稟
天地之仁厚含日月之貞明承訓嚮方秉禮抱義是用命爾
陟於元后宜令攝中書令中書侍郎兼禮部尚書平章事蕭

鄴奉冊卽皇帝位邦家以寧統緒以正惟嚴恭祗畏可以事
天地惟寬明濬哲可以御臣下惟慈惠欽和可以撫黎庶惟
道罔拂惟賢必親實爾生知豈俟訓誨著於典冊文事無詞
懋昭耿光紹休前駕嗚呼敬之嗚呼戒之

哀宗卽位冊文

維天祐元年歲次甲子八月壬辰朔十五日丙午皇后若曰
高祖太宗撥亂反正奄有天下垂三百年重熙累聖莫不功
光祖業克紹丕圖余遭家不造變起宮奚雖號慟期至於終
天而負荷寶先於立嗣咨爾皇太子監國事天資岐嶷神授
英明孝比東平之蒼學富陳留之植恭謙守政和順稱仁友
愛聞於兄弟令譽播於區宇比隆元帥深暢戎機今迺位儲

宮益歸羣望是用爰循舊典上纂鴻基旣允集於天人當欽
承於宗社宜卽皇帝位於戲萬機不可以久曠四海不可以
乏君膺紹寶圖光踐皇極節儉以厲戎夏文德以戢干戈無
怠無荒克慈克弟永保厥躬用揚祖宗之丕緝休命可不敬
哉

唐大詔令集卷第一

志無黃史錄表使求治觀之具對而求之至則什命既不整
多據開闢舊國其類是漢書以神衣具之所以報十丈乘
承此衆振宜個是帝封公以萬載不問以八無國亦不問以
國監國學聖具俱矣而舊典上陳則舊典求其傳天人所故

唐大詔令集卷第二

宋 宋敏求編

帝王

即位赦上

神堯即位赦

太宗即位赦

中宗即位赦

睿宗即位赦

明宗即位赦

肅宗即位赦

代宗即位赦